

RENTAÑ-KONT / COMPTE-RENDU

Tud daet d'an tol / Présents : Jerald AR GOV (skolaer e skol Diwan An Alre, ezel ag Ar Redadeg), Joël BARON (bez-prezidant Ti Douar Alre), Oliver BERSON (animatour Ti Douar Alre), Christelle DIDIERJEAN (skolaerez e Skol Sant-Gwigner, kuzulierez-dave ti-kêr Pleuwigner), Michel GUILLOT (prezidant Ar Vammenn), Roger Lorho (animatour Ar Vammenn), Thierry OLIVIER (ezel a KM Kerlenn Sten Kidna), Ronan POSTIC (Ofis Publik ar Brezhoneg), Nolwenn TATARD (skolaerez e skol Itron-ar-Bleuñv e Lokoal-Mendon, monitourez e Kerlenn Sten Kidna).

I- AN DISTRO-SKOL / LA RENTRÉE SCOLAIRE

Hag a nevez er skolioù ?

Digoret eh eus bet un hentad divyezhek nevez e Landevant (Skol Stez-Mari). 25 bugel a zo enkrivet enni. E skol St-Gwigner Pleuwigner eh eus bet krouet un hanter-bost arall.

Doc'h tu ar skolajoù, cheñchamant kelenner e Santez-Anna hag e Pleuwigner : emañ Glen Gouthe e karg ag an hentad divyezhek e skolaj Stez-Anna ha Phillipe Le Dortz e karg ag an opSION brezhoneg e skolaj ar Goh Lanno e Pleuwigner. Esperañs hon eus e c'hellimp kreskiñ hor c'henlabour get ar skolajoù ar blez-mañ.

Kaoz 'zo a zigoriñ div hentad divyezhek arall er c'hentañ derez e Bro An Alre a-benn ur blez (netra sur evit poent).

Ar c'hentelioù d'an dud daet :

An distro-skol-mañ e vo klasket lañsiñ div gentel nevez evit an deraouidi, unan e Landevant hag unan arall e Sant-Filiberzh.

Ma raomp kont ar c'hentelioù-noz kinniget àr dachad Bro an Alre e ra 15 kentel etre tout, 15 kentel roet get 2 gevredigezh : Kerlenn Sten Kidna hag Ar Vammenn. E-barzh 7 kumun e roont kentelioù-noz.

Setu niver ar c'hentelioù dre ar c'humunioù :

- en Alre : 7 gentel
- e Krac'h : 1 gentel
- e Landevant : 1 gentel
- e Lokoal-Mendon : 2 gentel
- e Pleuwigner : 2 gentel
- e Sant-Filiberzh : 1 gentel
- e Stez-Anna : 1 gentel

Penaos brudiñ ar c'hentelioù-noz e-mesk kerent ar vugale ?

Divizet eh eus bet sevel ur vandenn da vout peget doc'h skritelloù an Ofis e-lec'h ma c'hello bout kavet razh ar c'hentelioù-noz kinniget e Bro An Alre mui niverenn-bellgomz ha chomlec'h postel ar c'hevredigezhioù. Dasparzhet e vo e-mesk ar skolaerion (dorn-ha-dorn).

Ur soñj arall 'vehe kinnig abadennoù tañva d'ar yezh dezhe. Bez e c'hellahe bout ur bazennig a-raok krogiañ get ar c'hentelioù-noz. Kinniget eh eus bet kas ur seurt enklask-marc'had er skolioù divyezhek da ouiet e-men e vehe tud intereset. Ret e vo en em soñjal àr al lec'h (e-barzh ar skolioù pe en diavaez) hag àr an deiz.

Ar brezhoneg hag ar gumuniezhezh kumunioù

Get ar soñj mont pelloc'h get al labour a vez kaset get an tier-kêr hag ar mediaouegoù eh eus bet soñjet kinnig abadennoù tañva d'ar yezh d'un doare ingal a-hed ar blez da razh kumunioù AQTA. Moaien 'vehe kas div abadenn àr bep kumun e korf ur blezad-skol. Ret e vo en em soñjal àr ar mod da ginnig an traoù d'an tier-kêr.

II- AN EMGAVIOÙ É TONT / LES PROCHAINS RENDEZ-VOUS

Setu m'emañ *Bro Alré Gouil Bamdé* é tostaat. Bep blez e vez aze un degouezh da ginnig abadennoù evit lakaat ar brezhoneg àr-wel. Daou emgav bras a vo er programm a-fed brezhoneg : an devezh evit bugale an hentennoù divyezhek e Lokoal-Mendon (d'an 18/11) hag ar pezh-c'hoari kinniget get Strollad ar Vro Bagan e Pluergad (d'an 19/10).

E-barzh programm *Bro Alré Gouil Bamdé* e vo kavet 16 abadenn e brezhoneg ar blez-mañ

Setu ar roll :

D'an 12/10

- Abadenn tañva d'ar brezhoneg e Belz.
- Gweladenn e brezhoneg ag an diskouezadeg staliet e kloastr Santez-Anna.

D'an 14/10

- Kafe, bara-amanenn, Pleuwigner.

D'ar 17/10

- Prezegenn e brezhoneg get Frañçois Louis, An Alre.

D'an 19/10

- Abadenn tañva d'ar brezhoneg e Landevant.
- Pezh-c'hoari get Strollad ar Vro Bagan, Pluergad.

D'an 21/10

- Gweladenn e brezhoneg ag an diskouezadeg staliet e Sant-Degan.

D'an 22/10

- Stal-labour kaset get Noluen Le Buhé en-dro d'ar c'han ha d'ar c'heginiñ, Lokoal-Mendon.

D'ar 24/10 :

- Un atalier 3 euriad en-dro da sevenadur Breizh hag d'ar brezhoneg e kreizenn dudi Pleuwigner (an abadenn-se ne vo ket kavet e-barzh programm *Bro Alré Gouil Bamde*).

D'an 28/10

- Kafe, bara-amanenn, Pleuwigner.

D'an 29/10

- Abadenn tañva d'ar brezhoneg e Landaol.
- Enderviad e brezhoneg get ar familhoù, e Pleuwigner.
- Noziad kontadennoù e brezhoneg get François-Louis, Jo Sergent ha Daniel Carré e St-Degan.

D'an 31/10

- Sine-kleub e Ti-Hanok en Alre (film : Paddington).

D'an 18/11

- Gouel Lokoal-Mendon. Ar blez-mañ emañ bet kouviet Jakez ar Born da ganal da vitin. D'enderv e vo un enderviad c'hoarioù en-dro da dem ar sirk.

D'an 02/11

- Abadenn tañva d'ar brezhoneg en Alre.

D'an 09/11

- Abadenn tañva d'ar brezhoneg e Kamorzh.

A-fed aoziiñ

- A-benn al lun 26/09 e vo peuraozet devezh Lokoal-Mendon get ar skolaerion. An tolp 'zo bet lakaet da 5e30 d'enderv-noz e Pleuwigner.
- Savet e vo flyeroù evit brudiñ pezh-c'hoari Strollad ar Vro Bagan er skolioù. Ret e vo ma yahe ur flyer da bep familh da vihanañ. Àr ar flyer emañ ret poueziñ àr an divyezhegezh, lakaat sklaer e c'hell an arvest degouezhout d'an holl.

Peseurt soñjoù evit Bro Alre Gouil Bamde 2017 ?

Devezh Lokaol-Mendon : soñjet et eh eus bet kouviñ skolajidi Diwan Gwened da ginnig un arvest d'ar vugale da vitin. An dra-se a vo da welet get David ar Gall.

III- AR RAKTRESOÙ ARALL / LES AUTRES GRANDS PROJETS

Sizhuniad ar brezhoneg a zay da vout Miziad ar brezhoneg ar blez-mañ. E miz Meurzh e vo. Kement-se a Laosko muioc'h a amzer da ginnig abadennoù ha ne vo ket mui ker stank an traoù.

Evit pezh a sell doc'h ar skolioù eh eus bet kinniget aozñ un devezh kaset e brezhoneg en-dro d'ar sportoù, ur seurt tournamant (melldroad, basket, athlé ha c'hoazh). Moaien 'vehe en aozñ er Goh Lanno e Pleuwigner peotramant e Lokaol-Mendon. A-fed karr-boutin e vo ret studial penaos arc'hataouiñ an traoù. Evit gellet kas ar raktres-mañ da benn emañ ret lañsiñ an traoù fonnapl a-walc'h.

Evit an abadennoù tañva d'ar yezh er skolioù e vo goulennet get Sant-Degan ha gellet a ray Tony Le Saux - o implijad brezhonegour - roiñ sikour deomp. Mod arall e vo ret klask kreskiñ ar skipailh animatourion (Ronan POSTIC ha Christelle DIDIERJEAN a zo prest da gas abadennoù).

A-benn aozñ Miziad ar brezhoneg en em gavo ur skipailhad tud bep miz en Tanin e Pleuwigner (evit gouiet pezh deizioù e vo dalc'het an tolpadennoù, sellit amañ dindan).

IV – AN TOLPADOÙ-LABOUR É TONT / À VOS AGENDA !

- **D'al lun 26/09 da 5e30 d'enderv-noz en Tanin** (Pleuwigner) : Tolpad-labour ar skolaerion. Doc'h ar roll-labour : Devezh ar vugale 2016, an tournamant sport kaset e brezhoneg e-pad Miziad ar brezhoneg ha soñjal er pezh a vo kinniget e Lokaol-Mendon e 2017.
- **D'an 03/10, d'ar 07/11, d'ar 05/12 da 5e30 d'enderv-noz en Tanin** (Pleuwigner) : Tolpadoù-labour a-benn prientiñ Miziad ar brezhoneg e Bro An Alre.